



Inatsisartuni ilaasortat Nikolaj Jeremiassen aamma Jess Svane, Siumut.

Umiarsualiviit pillugit § 37 naapertorlugu apeqquteqaammut 2017-183-imut akissuteqaat.

Apeqqtinut, Inatsisartut Suleriaasianni § 37 naapertorlugu nassiussassinut qjanaq. Apeqqutit matuma kingualiani ataasiakkaarlugit akineqarput.

27-07-2017
Sags nr.: 2017-15775
Dok. nr. 21983236

Apeqqt 1: Inuiaqatigiinni umiarsualivinnut pilersaarut nutaaq ukiormanna saqqummertussaqaq sumut killippa?

Akissut: Umiarsualivinnut pilersaarut 2017-imi apriliip ulluisa aallaqqaataannit maajip ulluisa 18-iannut tamanut ammasumik tusarniaassutigineqarput, taakkulu 2017-imi aggustimi Naalakkersuisut sanaartornermut ataatsimiisitaliamut ilisimatitsissutitut nassiunneqassaaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqt 2: Inatsisartut suleriaasianni § 37 najoqqutaralugu apeqquteqaammut 2016/90 akissuteqaammi Avannaata Immikkoortuani umiarsualiviit qanoq innerinik nalunaarsuiniarneq naammassineqarpa?

Akissut: Avannaani qanoq issutsimik misissuinerit § 37 naapertorlugu apeqquteqaammi 2016-90-imi nassuiaatigineqartutut 2016-imi pilersaarutit malillugit suliarineqarput.

Apeqqt 3: Uummannami umiarsualivik aasaq manna 2017-imi nutartserneqarniarpa?

Akissut: Illoqarfiit nunaqarfiillu killeqarfiisa iluanni umiarsualivinnik aserfallatsaaliuinissaq iluarsaassinissarlu nunap immikkoortuani aserfallatsaaliuinissamut suliniutit iluanni aaqqissugaapput, tassanilu nuna killeqarfinnut tallimanut agguarneqarpoq. Suliniut 2010-mili suliarineqalerpoq, suliallu ingerlanerani piffissami suliaqarfiusumi ataatsimi nunap immikkoortuani ataatsimi qanoq issutsimik nalunaarsuisoqareeraangat piffissami suliaqarfiusumi tullermi iluarsaassisoqartarluni. Nunap immikkoortui tallimaasut tassaapput Kujataa, Tunu, Qeqqa, Qeqertarsuup Tunua aamma Avannaa. Uummannaq Avannaanut ilaavoq.

Qanoq issutsimik nalunaarsuinerit suli pilersaarutaasumik ingerlanneqarput. Iluarsaassinissamut pilersaarut pilersaarutaaqqaartumut naleqqiulluni ukiumik ataatsimik nikisinneqarpoq, tamannalu Uummannami iluarsaassinissamut sunniuteqarpoq.

Iluarsaassinermut pilersaarutaaqqaartoq malillugu Qeqertarsuup Tunua 2016-imi aallartinneqartussaagaluarpoq, aammalu Avannaa 2017-imi aallartinneqartussaagaluarluni. . 2016-imi Qeqertarsuup Tunuani entreprenørinik suliassanut neqerooruteqartoqangimmat, Qeqertarsuup Tunuanut Avannaanullu iluarsaassinissamut pilersaarutit ukiumik atatsimik kinguartinneqarput. Qeqertarsuup Tunuani iluarsaassinissat 2017-imi aallartinneqarput aammalu Avannaani iluarsaassinierit 2018-imi aallartinnessaat naatsorsuutigineqarpoq. Nunap immikkoortuini marluusuni iluarsaassinierit Aningaasanut Inatsimmi aningaasaqarnermut sinaakkusiussat iluanni ataatsikkut ingerlanneqarsinnaangillat.

Neriuppunga matuma siuliani apeqqustitit akissuteqarfigisimassallugit.

Inussiamersumik inuulluaqqusillunga



Erik Jensen